

TIMUR

Pahang, Terengganu, Kelantan



UMP cipta kecemerlangan

KUANTAN 19 Feb. - Lebih 5,000 orang terdiri daripada warga **Universiti Malaysia Pahang (UMP)** hadir mendengar Amanat Tahunan 2019 oleh Naib Canselornya, Prof. Datuk Seri Dr. Daing Nasir Ibrahim yang bertemakan 'Meraikan Kejayaan Mendampingi Industri dan Menyuburi Keusahawanan' di Kompleks Sukan UMP Gambang, dekat sini hari ini.

Daing Nasir berkata, UMP adalah institusi pengajian tinggi pertama dalam kalangan universiti teknikal berjaya berada pada kedudukan 188 terbaik di Asia dalam QS University Ranking Asia: 2019 dan memperoleh penilaian lima bintang untuk kriteria Pengajaran dan Pembelajaran dalam Sistem Penilaian Quacquarelli Symonds Stars Rating 2018.

Malah kata beliau, subjek Kejuruteraan Mekanikal dan Pembuatan di UMP disenaraikan dalam kelompok 251-300 terbaik di dunia.

"Ini turut dibuktikan dengan pencapaian lima bintang dalam semua aspek penarafan termasuk Penilaian Penyelidikan Malaysia (MyRA), Sistem Penarafan Universiti dan Kolej Uni-



**Hello
Kampus**

versiti (Setara), Penarafan Pengumpulan Data Kementerian Pendidikan Tinggi (MyMohes) dan Kecemerlangan Pengurusan Kewangan berdasarkan Indeks Akauntabiliti Jabatan Audit Negara.

"Kebolehpasaran graduan UMP melepasi 95 peratus dan tenaga akademiknya menghasilkan penyelidikan serta pembangunan (R&D) berimpak tinggi turut menjadikan universiti ini antara terbaik di rantau Asia," katanya pada majlis tersebut.

Dalam pada itu, Daing Nasir memberitahu, kewujudan Industry Network Alumni Platform (INAP) menjadi platform penting terhadap komitmen tinggi dan usaha berterusan universiti berkenaan dalam memperkasakan jaringan industri dan hubungan alumninya.

Menurut beliau, INAP merupakan sebuah inisiatif yang dicetuskan secara kolektif sebagai platform buat alumni universiti itu membina hubungan, berinteraksi dan memberi sumbangan.



SEBAHAGIAN warga UMP mendengar Amanat Tahunan 2019 oleh Daing Nasir Ibrahim di Kompleks Sukan UMP Gambang, dekat Kuantan, Pahang, semalam.